

مجله اداره سي

باب عالي جوارنده ابو -
السعود جاده سنده محمود بك
مطبعه سيدر.

امور اداره و تحريه به متعلق
خصوصيات ايچون محمد رضا
افندي نامنه مراجعت
اولفيلدر درج اولنميان
اوراق اعاده اولغاز .
اداره خانه جمعه دن ماعدا
هركون آچيقدر .

سنة ١٣٠٧

شرائط اشترا

ولايته و درس اعطيه محل
اقامت يته كوندرك اوزره
سنه لكي ٧٠ التي ايلني ٤٠
غروشه در اداره خانه دن
النق اوزره سنه لكي ٥٠
التي ايلني ٣٠ غروشه در.
آبونه لر سنه ابتدا سندن
يعني الی او چنجي نومرودن
اعتباراً برسنه لك و يا خود التي
آيلني اوله رق قيد اولنور.

مقالات علميه و فنيك واسطه انتشاري ، كلزار اديبانك مجليه اته انار بر

Directeur Mehmed Riza

مديرى : محمد رضا

نومرو ٨٣

سر محردى : توفيق

نسخه سي ٥٠ پاره يه در



التون لياقت مداليه سيله مظهر تلطيف عالي بيوريلان معارف عموميه نظارت جليله سي اوراق مديرى سعادتلو على غالب بك افندي حضرتلري

تصور ووارقلرخی تصدیق ایدن شینک جسم و جسمانی دکل بلکه غیر مادی بر جوهر اولمسی تعین ایدر که مطلوب ده بو ایدی .

فایده درسه املرندن :

موسی ماضی

لوائح الحكم ، دن :

لا یح

۸

ابتدای تولدمزدن بری سائقه طبیعتله بر طاقم احتیاجات ایچنده قالمش و بو احتیاجاتک استیفاسی داعیه سیله متعسر الحصول نیجه نیجه اشتغالات متسلسله و اجراءات متقابله به مجبور اوله رق بوغو - لورجه سنه سر برده رسوم و عاداته طیقلمش اولدیغمزدن و ذاتاً بو کارخانه دنیا حب شهوات ایله تربین اولنوب نفسمز آندن انفسکاکی ناقابل برعلاقه کامله و راسخه پیدا ایدرک علی الدوام هوسات و حظوظاته سوق اوله کلدیکمزدن کویا عمرمزدک نتیجه سی و خلقتمزدک علت غائیه سی شو تعلقات ماسوادر کبی ظن اولنور .

بو مثلاً و ظنون غافلانه اکثر اشخاصی حرص و طمع و نفس و هوا و ادیلرینه دوشوروب اصل و حقیقتلرخی مطالعه و سماعت صحیحیه بی ملاحظه دن منع ایدر .

واقعا ظن بو یوک شیدر دقت اولنسه اکثر افعال بشریه ده سهو و خطا ظندن چیقار نیته کیم بین الحکما (من ساء ظنه ساء رایه) ضروب امثالنددر حتی جناب رب معبود بیله عبتدک ظنی قتنده اولوب اشخاصک تمیبات و تصوراتنه کوره تجلی ایدر بشاء علیه ظن و ذهانی تصحیح ایدوب حقندن هدایت ایستمک و زدن کلوب زده کیده جکمز بالبحری کنیدیژی بر طریق مستقیمه سوق ایلمک و طائف عقلمک اک برنجیسیدر .

ولادتمزدن اولکی احواله فصل که وقوف و شعورمزد اولمدرق ترکب ایتمش و بوجهان فنا بنیانه کلمش ایسه کبعینه حلول موت ایله بوراده کی مدت اقامتمزد رسیده حد ختام اولدقده وقوف و شعورمزدک احاطه ایدمه جکی بر جهان بقا عنوانه بلا اختیار ارتحال ایدله جکنده اشتباه یوقدر . شو قدر و ارکه بو عالم دنیا محسوس و مانوس و عالم عقبا غیر محسوس و مانوس اولدیغندن اکثر خلق — جهت دنیویه مائل — امور اخرویه دن غافلدر .

فی الحقیقه سرائر وحدت الهیه و عوالم غیبیه نک تفصیل و تمایلی عقل ایله اکلاشله - مدیغندن واسطه وحی و الهام ایله بیلدرلمش و السنه انبیا دن ایشیدلمش اولغله اوتهدنبرو تلقینات سواویه ایمان ایتیمو بده عقل مجرده تابع اولانلر بالطبع حقیقت اخرته مطلع اوله میهرق عالم عقبا یی انکار ایله جهت دنیویه حصر افکار ایدمه کلدیکی کبی احکام شرعیه به اتباع ایدنلر دخی ملکات راسخه ایمان و عبادات ایله اسرار معنویه واقف اوله رق عالم عقبا یی اقرار و اعتراف ایدمه کلشدر .

قطعه

راحت ایستر طبع محنتدر عبادت سرترس ترک راحت و رغبت محنت قیلان ممتاز اولور اول سببندر که کفر آسان اولوب اسلام صعب عرصه عالمه چوق ملحد موحد آز اولور فحواسنجه دیانت و شریعت — اوامر الهیه به متابعتله هوای نفسه مخالفتی کوستر - دیکندن و بو ایسه اصعب امور اولوب بالوجوه طبیعت شهوانیه به غیر ملازم اولدیغندن طریق حقه کیدنلر اندر و هوای نفسه او یوب مقتضای طبیعت خدمت ایدنلر اکثر ایسه ده فی نفس الامر حب دنیا بالجله فسادات و خطیئاتک منشأ و منبعیدر نیته کیم حدیث شریفده (حب الدنیا) وارد اولمشدر .

بومزایا تسلیمکرده اهل برایا ایسه ده

دنیا نه اولدیغنی اکلامق لازمدر . کتب معتبره ده مسطور اولدیغه کوره خواجه کائنات علیه اکل التحیات افندمزدن بعض ذوات دنیا نه اولدیغنی استفسار ایتدکرنده (دنیاک مایشغلک) بیورمشلردر شو حدیث شریفک متضمن اولدیغنی تخصیص و تفسیره نظراً تذکر حقه مانع اولوب ترقیات معنویه دن البقویان هر نه ایسه انسانک دنیاسی یعنی ماسوانک اک فناسی اودر دیمک اولور بوقسه سائر عوالم الهیه به بالنسبه دون اولدیغنه اشارتله دنیا تسمیه قلنان شو عالم حس و شهود دیمک دکلدر زیر اجرام و اجسام طبیعیه نک صور مجموعه سندن عبارت اولان (عالم امکان) حضرت خلاق لایزالک اثر صنع و قدرتی و بلکه صفت کاشفه نور هویتی اولغله سراپا احسن و اعلا اولدیغنده اشتباه یوقدر . السنه اصفیاده مذمومیتله یاد اولنان (دنیا) اهل هوانک کندی ذهنلرنجه توهم ایتدکری تمایل ماسوادرکه حقیقت حالده منتج خسران و ندامت اولان بر نمایش سریع - الزوالدن عبارتدر . اکثریا اخلاجه ترتب ایدن آفات بو مثلاً توهمات بیمنزانه دن تولد ایدر .

باز ده تفصیل ایله تمیل اولنق لازم کلیسه دیه بیلور که صورت پرستان غلط پسندانک تحسینکرده خیال عیالی اولان (ماسوا) یا قوش سیمیا به مشابه بریستی هستی نما و یا خود رؤیاک تعبیر ایله تصویری قیلندن اوله رق فصل اکلاشیلور و نه جهته معنا و بیلور ایسه اوصورتله تعین ایدر بر هیولادر شو جهته هر کسک دنیاسی کندی خویلیاسیدر مثلاً مقتضای نفسه موافقتله خود اندیش و خود پرست اولانلرک فایه خویلیاسی اکساب جاه و اموال ایله اجرای اغراضه محصور اولدیغندن انلرک عندده (دنیا) انهماک شهوت ، عزت نفس) منافع ذاتیه دن عبارتدر .

بالعکس هوای نفسه مخالفته حق دوست و حقیقت شناس اولانلرک نتیجه خویلیاسی دخی مقتضای شرع و حکمه

بالاعتنا تکمیل مراتب انسانیتله تحصیل رضاء الله، مقصور اولدیغندن بونلرک عندنده (دنیا) مقام عدل و عرفان و مدار توحید و ایمان اولان بردار امتجاندنر .

*

باقیکر شمدی ایش نصل بشقه لشدی —
برینک خولیاسی مذموم و دیگرینک خولیاسی ممدوح اولدینی کبی دنیا سیده ممدوح دگی . البته او امر الهیه اتباع ایله صراط مستقیم اوزره کیدنلرک امور واجوالی منج خیر و حسنات و بوجاده صدق و استقامتدن انحراف ایدنلرک افکار و افعالی مستلزم شرور و سیئات اولدیغندن اوتکیلرک دنیاسی بالفرض معمور اولسهده قاقنلری خراب و بیابدر .

اهل دنیا بقاده نادم اولور

زن برستانک احتلامی کبی

الحاصل توهمات ماسوادن قطعاً نظر بوشاهد رعناى فلك شهودك پیرایه محاسن مایه سی خیر محض و حسن مطلق اولغله جلوه کاه طبعته فنا برشی یوقدر — فناقی فنا اعتقاددن و سوء استعمالدن نشأت ایدر .

از فضولیت ترادیده ینش پر خار

ورنه عالم همه یکدسته کل یخارست

فی حد ذاته دنیا و عقبا مالک المملک والمملکونک اقتضاء ذاتیه سیله تکیون ایدوب بری صور مرکبه عصریه کیره رک ساحه شهود و ظهوره کیش و دیگرى صفت مجردة مثالیه سی اوزره بقعه غیب و بطونده قالمش، تما کس تجلی ایلایکی مرآت محلا کبی یکدیگره تقابل ایلمشدر .

کورلزمی که اعیان کونیه علی الدوام لبس جدید ایله کسوه شهوده کیروب بقعه بطونندن ساحه ظهوره کلکده و کسوه شهوددن صبریلهرق ساحه ظهوردن بقعه غیب و بطونه چکیلوب کیتکدهدر . بوکلش و کیدیشک سر و حقیقتی و غایت و نهایتی بزم اکلایه سیله چکمز مواددن اولوب انجیق حضرت علام الغیوب و الحفیایه معلومدر . بزم اکلایه سیله چکمز شی — شریعتک و عقل و طبیعتک اراثه ابتدکی اصولدر شریعت —

دنیا بی مزرعه آخرت بر ملک عاریت اولوق اوزره کوستر — سعادت اخروییه تحصیل ایچون دنیا به عبتک لزومی بیلدر — و طبیعت دخی بونی تصدیق و تأیید ایدر ایسهده (یعلمون ظاهراً) بیان تالیسنجه بر طاقم هواپرستان ماسوایا ذاتاً قابل هدایت و سعادت اوله مدقلمدن و یاخود عارضه شهوات ایله سراسیمه حظوظات اولوب محسوساتدن بشقه برشی کوره مدکلرندن بونک اوتیه سی یوقدر ظن ایدرلر — خیالات خود سرانیه و دوشرلر غلبه غفلتله آلاش فنایه الدانهرق تا هلاک اولنجیه قدر آکا جانداده انهماک اولورلر قزانداقلرنی وارث وحاده بر اقوب کیندولری آه و این ایله باد بدست اخرته کیدرلر .

ای حاصلت ز حاصل این روزگار هیچ

از روزگار هیچ توقع مدار هیچ

در مجلس زمانه مشو زود مست از

کز جرعه اش ندید کمی جز خار هیچ

واقعا فیض الهی کافه از منته و امکنیه محیط اولهرق هر موجودک استعداد و قابلیت کوره حصه استحقاقی اعطا ایده کلدیکندن هر نه وجهله میل و تاقی و نه یوله سعی و تخری اولور ایسه جناب و اهب الامال انک مقتضاسنجه تجلی ایلر یعنی دنیای ایستیانلره رواتب دنیویه و عقابی طلب ایدنلره مراتب اخروییه احسان و اکرام ایده چکنده اشتباه یوقدر نیته کیم (و من یرد ثواب) ایت کریمه سنده مشوبات دنیا و آخرت یکدیگرندن فصل و تفریق ایله هرایکیسنک ابروجه بر نعمت بی بها اولوب مساعی عبادت مکافاة اعطا بیوریله جفته ایماقلمشدر فقط انصاف اولنسه دنیایی عقبا به تقدیم ایدوبده اکا حصر خواش ایتیمک عمر

سرمدی بی وقت و مستعار بر حیات موهوم الاعتباره دیکشوب کندی کندی الدائمقدر . هله عقابی انکار ایلیمک عدسی — وجوده و نمائی — حیاته ، ترجیح ایله روحسز و نتیجه سز بر مطالعیه ذاهب اولمقدر که جمیات بشریه بی افساد ایدن افکار باطله نلک اک سقیم شو مطالعه ذمیمهدر .

چونکه نشئه موجودیت ، بودنیاده یشادیغمز مدتدن عبارتدر انک اوتیه سی یوقدر — ذهنلره یرلشه چک اولور ایسه آرتق او حالده عالم انسانیت یشه زار ایهامه دوزر) هرکس مطالب شخصیه و منافع ذاتیه لرینی استحصال ایچون برر طریق تزویر و تقلبه سلوک ایدر . امنیت و انسیت محو اولور ، انتظام و اسایشه خلل کلور ، نه شریعت نه مدنیت نه اخلاق نه آداب قالور . انسانلری — مفسده انسانلک ایله هلاک اولماقندن محافظه ایلین — قوه مانعه ، روحک لایزال اولدیغنه اعتقاد ایدرک کونکنجه حصوله کلان احتراز و احتیاطدن عبارتدر بو احتراز و احتیاط بر ضابطه معنویه درکه انسانلره دائماً رأس حکمت اولان مخافه الهی اخطار ایدر .

*

حیوانات — یکدیگرینک قوت و شدتندن اورکر — انسان اولانلر کندی قلب و وجدانه مراجعت ایلر — اللهدن قورقار . بقای روحه و انک مقتضیاتندن اولان مجازات و مکافات اخروییه اعتقاد ایتیمانلر بالطبع مخافت الهیه منسلب اولوب یالکیز قوانین سیاسیهدن چکنورلر .

قوانینک روابط مجرد سیله باغلامش اولانلره جبر و تضییق آلتنه النمش بر طاقم صنوف مضره نظریله باقیلور . البته — خارجدن بر خوف و امید ایله متأدب اولوق بشقه ، کندی قلب و وجداننک میلان خالصانه سیله ادیب اولوق بشقه در تأثیرات خارجیه دن حصوله کلان محسنات — امور قسریهدن اولهرق بر درجهیه قدر تعین ایده یلور ایسهده تقرر ایدمیز .

دیمک ایسترمکه مناسبات اجتماعیه نلک الجا آتیه یاپیله جق — قوانین و نظامات ، حق و صوابه مقرون ایسه افرادى اطاعت و انقیاد چکدرک خارجه معاملات همومیه دن تولد ایدن منازعاتی حل و فصل ایله کوزده کورونن فناقلری تعدیل ایده یلور اما کشور درون انسانه قاریشه من یعنی میل و شقاوت ، سوء قصد و نیت، کبی



قومودون واتسون

تصميمات و تصوراتی که جنابيات و خطيبانك امهاتيدر ، بونلری تسكين و تصميم ايله اذهان بشريه ي تحت الضباطه الهماز هر حال و كرده انسانی انسانيتك مقتضى اولديني افعال حسنه به سوق ايده جك افكار معنوي در . افكار معنويه نك نتیجه تحرياتي دخی و حدانيت الهيه به كال ايمان ايله تصفيه قلب و تهذيب اخلاق ايدرك اخرت و عاقبتی بالملاحظه حقيقت انسانيه به مرتب اولان فضائل و وظائفی اكال و اجرايه چالشما قدر . سبب خلقتنم و دارينده سرمايه سلامت و سعادتنم بوفريضة اساسيه دن عبارت ايكن اكا اعتبار ائمه مك انسان ايجون اك بيون عصيان و طغياندر .

عارف حكمت

مصاحبه

ما بعد

ملت نجيبه عثمانيه نك تشديد يديكي اعظم آره سنده ثروت و سامان ، فضل و عرفان ، كرم و احسان كي بر جوق مزيات عاليه ايله سر آمدان بخيارانندن بولسان صدر اسبق مشهور (يوسف كامل) پاشا ، خربوط ولايتنده بر خاندان قديمك آب روي ايدى .

اجدادى بودولت معظميه سنه لرحه خدمات صادقانه ده بولنه رق اكتساب شرف و حيثيت ايتمشيدى .

پدرى محمد بك وفات ايتديكندن كامل ، دم صباوتنده استانبوله كتيريله رك همجه سى و زراى عظامدن كمر كجي عثمان پاشانك دائره سنده تربيه ايدلدى .

عم زاده لريله برلكده معلمين مخصوصه صدن تحصيل معارف ايلردى . فقط آنلر كي كتب متنوعيه و لوازم تحصيليه به بالطبع مالك دكلدى .

بناء عليه عجه سنك تخصيص ايتديكي شهرى يتمش بش غروش معاشي اوشاقلره

و بره رك كيجه لرى عم زاده لر ينك كتابلرينى بر قاج ساعت ايجون آلديرر ، صباحه قدر چاليشه رق ارقداشلرينه قارشو اثبات رجحان ايلردى .

اويقو زمانلرينى تحصيل كاله ، لوازم ضروريه سنه مخصوص اولان معاش قايلى ده بوجه مسرود خدمتكارلره تخصيص ايدرك بر صباح الخير سعادت و اصل اولدى . بو سعادت معنوى ايدى . چونكه مادي سعادت ديمك اولان ثروت هنوز كنديسندن كر يزان ايدى .

ديوان هايون قلمنده كي رفقاسى ايجنده — حداثت سنه نسبتله فوق العاده عد ايديله بيله جك درجه ده — علم و عرفان ايله ممتاز اولدينيچون صدر نشين بزم اجلال ايدى . لكن ضرورتى جهتييله ارقداشلرندن بك چوقلرينك صف نعلنده ايدى .

حتى عجه سنك (ميركون) ده كي ياليسندن صباحلرى قالدنه رق — قايق اجرتى تسويه به مقتدر اولدينيچون — رفقاسندن (بك) ده مقيم بولسان صدر اسبق (مالى) پاشا مرحوم ايله باب عاليه قدر ماشيا كديرلدى .

پاشا ، بر كيجه عالم منامده مصر واليسى (محمد على) پاشا مرحومى كورر .

رو ياستى بمض عرفاي احبابه نقل ايتدكه جمله سى :
« يوسف كي انواع محن چكده به محتاج »
مأثني تذكار و نائل سعادت اولمق ايجون « مصره كيتمى لزومى افاده ايدرلر .

اوزمانلر مصره كيتمك امكان داخلىنده اولمقدن بشقه پاشانك مصارف سفره ينى تدارك ايدمه بيله جك اقتداردن محروميتى عزمنه مانع اولور .

مع مافيه بر كيجه قز قله سندن بريلكن كيمسه بينه رك مصره كيدر . مصره وصوليله برابر — معشر

فضلا اولان — جامع ازهرده بردرس مهم تقرير ايتمى اوزر ينه هنوز يكرمى يدى ياشنده بولنان بو كنج فاضلك علم و كالى بمض مزيت شناسان ، محمد على پاشايه اخبار ايدرلر .

تميز اهليت و تقدير لياقته حقيقه يد طولى صاحى اولان محمد على ، كنديسنه تقديم ايديلان كاملى تجربه و امتحان ايتدكن صكره معيتى كتابته ، ده طوغريسي اولاداغه قبول ايله اكال تحصيله صوك درجه ده همت بيورر .

پاشا ، مسلم عالم اولان فضل و كالى مصرده قزانير .

حتى فرانسز لساني ده — ايجابات زمانيه ي هر كسندن زياده تقدير ايدن — محمد على پاشانك تشويقيله اوكرنير . بوسره ده وقتيله استانبوله كورد يكي روبا عينيله ظهور ايدر .

محمد على ، اولاد و اقارب نك مخالفتنه رغما يوسف كاملى كنديسنه داماد ايدر .

اولادى ارده سنده كياست فوق العاده ، ميل حسناات ايله تفرد ايدن (زينب) خانمى كامله تزويج ايدر .

دامادينك ابراز ايتديكي آثار رشد و فطانتى مخالفيه كوستره رك بك چوق دفعه آنلرى شرمسار ايتمشدر ...

وفاتندن صكره ارباب اغراض كامل